

Yiith e raan ci caal e pinyinhöm

Ajokcok

Nä caa athëek tö e baai thök e thai yic gäm ku yithkën thonj tö e nyiinkën, kek aalau enhom ku thonj, ku dör e pinyinhom.

Ku nä ci yiith e raan mar ekoc nhiim, ku dhalkek bi kuoc lööi bëi epion e raanic, ku aye raan thök eben waai bi ben epinyinhom bi raan liëk e lau enhom e jamdeic, ku thëek yanhde, ku ci bën rioc, ku njn.

Ku na peth bi löönj raan aaköuny, bi raan cii nyany e rin eköuc löui ye löui yën, ku ten enyin piny.

Ku nä ci wut ethai matyiic, yen gam e cök elöönjiic lön de raan yith tëem kua thëek, ku na thönj möc nhöm kék e tik e yithiic kua ci tëem bik röt aaköuny bi pir piath baai ku lëu yic.

Ku na ci bëi tö akutic gam bik ka cin mat kek akut e mawuut epinyinhom(UN), bik yith e raan ku lau enhöm kua thëek aatiit.

Ku na njic eben lön e yith kak ku lau enhöm alënj köuny dit kua thëk e gëm gëm ken yic.

Ka kut dit adhël.

cööt ecëël ken yic erin yith e raan, erin yën e tën eröm ethai eben thin, ku(UN), wic bi raan tic e ciënjic ku tëu ka nyiin piny ecëël ken yic, bi athëk eyith ku lau enhöm kak cök cökpiny edhöl epioc ku wëet ku cër cër ebaiyic ku pinyinhöm bi bik tiit. epiny nhöm eben ekëm ebëi tö akutic, ku thai awën rër tö eke cin.

Wiën 1

Raan thök eben aye dhëeth ka lau nhöm kua thönj nhiim eyithiic, kua thëkic, kua ci yëknhiethku puou, ku bik cënj ka ke ye mith etik.

Wien 2

Raan eben alënj yic bi liëk eyithiic ku lau enhömic ecëël kenic ka ci tëktëk ethök etiël ekuat, ku kit, kemen thai ku thök ku yanh ethëek ku wël ebai kmen wët dët löi e röt kemen bai ku ciënj bai kemen jëek ku dhëth kemen kuat etau dët löi e röt ka cin tëktëk ethök ekëm mö ku tik.

Ku cit te wen ci yen luel, acin tiel tö e wel ebai yic ku löönj ku kem ebëi ku ten wen rër eraan thin pan cënj kemen ci cëen kemen aci röt mac eröt, kemen tö eraan dët cin.

Wien 3

Raan thök eben alënj yic bi pir ku leu nhöm ku le lanj.

Wien 4

Kuat eraan acii leu bi kool kemen bi loony kuat epec ku loony thok eben aci pëen.

Wien 5

Raan thok eben aciben e lëenj kemen bi köuc yönj ci min elai, keme bi joor bi ci thëk.

Wien 6

Raan thok eben kuat et ci yen yok thin alëñ yic bi gam ka ye raan lëñyic elooñiic.

Wien 7

Raan thok eben aathonñ nhiim elooñ nhiim, kua lëñ yic bi liek eköuny thonñ nhöm ka cin tiel bi looñ kak tiit.

Wien 8

Raan thok eben alëñ yic bi luk ebany panden nhiimbi yicde yok ci min eyith tuëñ e looñ kek gam yen.

Wien 9

Ran thok eben aci leu bi döm kemen dampiny, kemen cöb ewëi baai edieny.

Wien 10

Raan thok eben alëñ yic bi nhöm agit ka kɔc kɔk, bi lunde tin elüok pathiic bi yek yicde ekɔc nhiim ku kak ci gämröt, ku kuat emëny ci yen mëëny göup.

Wien 11

Kuat eraan ci mëëny, acin göup awuc yet te bi loñ yen nyooth lon le yen göup awuc ekɔc nhiim ku kony bi rot köuny bei.

Raan aci luk ewei erin eken ci löi kemen ci kuc bi löi, ke ce yen awuc ye loñ ebaai nyooth, kemen loñ epiny nhöm, te wen yen looi yen rot thin.

Wien 12

Acin raan ekëec epir eraande yic, kemen pande ku yonde kua thorkeiic kemen bi dhɔl ku rëc erin edieny, ku raan eben alëñ yic bi loñ köuny ekak cit ekak yiic.

Wien 13

Raan eben alëñ yic bi cëëth te wic ku löc te den erëer eyan akeu thok eben ebaai yic.

Raan eben alëñ yic bi la te wic epiny nhöm agut panden kua lëñ yic bi dhok thin.

Wien 14

Raan eben alëñ yic bi kook pandet, kemen bi them bi kook thin ka kat eköuc ciëñ.

Kuat eraan ci kañ yath elukic awuc ca awuc ewel ebaai kemen bi lui eke ce röm kek elooñ (UN), acii lëñ yic bi liek eyic ken yic.

Wien 15

Raan eben alëñ yic bi rot yek anyööth lön eyen ran ebaai.

Aci leu bi raan pen wer erot edieny, kemen bi jai lön ci yende yic bi rot war.

Wien 16

Mɔc ku tik te ci kek roun ethëek dööt, aalëñ yic bik ker ebɔci ku löike mith ka cinic

ale kemen yath kua lëṅ yiith thöṅ nyiin ethiëkic ku loui yic ku pök yic.

Thiëk ci loi ka kic ekɔc thiëk rot gäm kua ci mēc ekek.

Mɔc ku tik kek aamaatic tueṅ ebaai, kua lëṅ yic bik liek eköuny baai ku baai nhöm.

Wien 17

Raan eben alen yic bi lëṅ kede erot, kemen bi röm kek kɔc kok.

Aci leu bi raan pëec cin bæi ekake edieny.

Wien 18

Raan eben alëṅ yic bi tak ka lau nhöm popuonde, yanhde kua lëṅ yic bi yanhde waric kemen ke ye thëek kua lëṅ yic bi pioc ku yeknhöm ku nyooyh ku tiit ka thien keme ekɔc nhiim.

Wien 19

Raan eben alëṅ yic bi wetde luel ka lau nhöm kue yic ken egäm ewel ka launhöm ka cin raan la thin ku y'ong ewel ku tektek ku cæel kek edhol ci takic ka ci luui aken ewuad.

Wien 20

Raan eben alëṅ yic bi met akutic kua kuut la lik.

Aci leu bi kuat eraan mat akut ci wic yic eriel.

Wien 21

Raan eben alɔṅ yic bi lui miric panden bi kuany egai ekɔc ekuany.

Raan eben alen yic bi lui ci min ekuat eraan lui baai.

Ke wic kɔc ebaai yen eya rie e mir. ku ke wic kɔc kene ekueny kueny bi kam bi yaa weenic ekuany aliklik ka kɔc thöṅ nhiim kemen bi loui te wen bi raan cuet ka lau nhöm.

Wien 22

Raan eben ka ye raan aakutt ekɔciic aalëṅ yic bi köny ekɔc bai ku kɔc epinynhöm ka cit te ye panden ye loui thin ku yiith epirde ku cien ku wëët ci rot pal athekde yic la tuëṅ ku thiek yicde.

Wien 23

Raan eben alëṅ yic bi lui ku kuany ka cit te wic e yen kua len yic bi köny bi lui.

Raan eben alen yic bi lui a riob thon nhöm eloi yic ka ci yic tiel.

Raan eben alëṅ yic bi riob ariob ci gam bi rot muk apth ku juak ekak awen bi pirde cɔkpiny.

Raan eben alen yic bi dit ku met akuic bi ka ke tiit kɔth.

Wien 24

Raan eben alen yic bi lɔṅ kemen bi cin lau ku nyoth enim ken eloi ku kol cin yen loi

thin.

Wien 25

Kuat eraan alɛŋ yic bi pir ka piol goup ku mit puou ka pande ecampathic, kua leth ku ten enin ku ka wen ekɔc kouny baai kua lɛŋ yic bi pir cɔk nyinic ke cii yen lui, ku tuany, kemen ci bäl ku lɛər kemen ci dhiöb ku la kak awen epir mietic, ka leu yen cin thin.

Meth ku man alɛŋ yic bi kek köny ku muk kek apath ku mith eben athöŋ nhiim bi kek tiit baai mith dhëth mɔc kek ku mith e lim.

Wien 26

Kuat eraan alɛŋ yic bi pioc kua dhil epioc epath tueeŋ, ku pioc tueeŋ adhil emac eya nhöm, kua pioc etɛt ku loi loi ecin ku cɔl pioc den la tueeŋ apiolic, bi nhöm thöŋ ka jaŋ.

Ku wɛt ke ku bi thiekic ku thëk ka ye raan ku lau enhöm la tueeŋ e cien ku pëlpiny ewel ku määth ekem e wuuut ku la kuut, ku köny thaai epinyinhöm bi door muk.

Warken emith alɛŋ yic bik mithken wɛt cit te wicke.

Wien 27

Kuat eraan alɛŋ yic bi mɛt ka lau nhöm epir ekɔc ebaai yic, ku bi liek etɛetic kua jueer erin ela tueeŋ epioc ku bi kak bi ben bɛi yhin kɛc köuny.

Kuat eraan alɛŋ yic bi ka path ku cien ken epioc tiit.

Wien 28

Kuat eraan alɛŋ yic bi liek ecien ekɔc epinyinhömic, bi yithke ku lau enhöm ci nyooth ecɛɛl ken yic yok egai.

Wien 29

Raan eben adhil kɔc loui bi yen nyouth lon te yen ekɔciic bi dit ka lau nhöm.

Raan eben adhil yithke thaap ka kacit te ci looŋ yen nyouth thin bigemgɛm e yith e kɔc kök, ku lau e nhömde kua thəkden, ku jɔl aathöŋ nhöm e loiloi yiic, ku ka pɔth eyok eben ku jam aathɛk ecien ekɔc epaan ekɛc thoŋ nhiim.

Aci rot kaŋ lëu ather bi yith kak thaap ka ce te wen wic thai epiny nhöm ke thin.

Wien 30

Acin wɛt lɛu bi war kemen bi cɔkpiny e cɛɛl ken yic ku luel ala ka ci pan ken kemen raan ken aci looi bi lyiith ku lauenhöm ci bɛn thin rac.